

喙

鳴

詩

集

喙鳴詩集目錄卷六

七言古詩

露臺曲

無題

長安行

楚宮曲

苦寒行二首

侏儒短

侏儒行

東籬丈人

雙燕離

蕩子從軍行

隴頭

風木歌

卜居行

盆菊吟

秋水篇

與鄔汝翼勸酒歌

送陸無從

題主人草堂

獨鴈送箕仲

送長孺

送董文蔚之揚州

炎海行贈吳明卿還高州

贈敖公

女貞樹為馮節婦

贈劉翁媪

送陳元忠扶侍歸蜀

吳州歌為王祭酒元馭兄弟壽親

送侯侍御之楚粵 晨行歌

送王忠伯太史使秦隴

麻姑壇歌寄毛君明

送蘇以時兼訊賣藥張翁

送吳明卿之河南
送朱潛山鴻父

訪顧玄言不遇寄贈

送顧將軍之貴州
送屠長卿公車

送吳山人之天台
寄留都周民部國雍

揚州遲內子
再遊上方寺與故人飲

別

宮市

寄所知

秦淵百日

老來行

老鷄行

臨高臺

喙鳴詩集目錄卷六終

喙鳴詩集卷六

四明 沈一貫肩吾 著

七言古詩

曾 孫光燕子翼重校

露臺曲

紫微宮中熠熠高
漢皇夜坐銅池橋
井榦初生輓轡響
雲軒未息齊紈勞
安得金莖三萬丈
扶取銀潢瀉天上
至尊曲護水衡錢
中人解惜單綈帳
桂宮老卻蒼苔塵
玉兔來窺瑣闥春
寶瑟無絃紫簫斷
至今笑殺慎夫人

無題

仙人吹斷紫瑤竹黃鶴偏巢夜深宿銀漢無聲秋
漏長寸寸明心剪紅燭青銅飛去孤鸞影化作冰
輪兔心冷傳得嫦娥不死方應種人間桂千頃

長安行

乙丑歲作

長安九衢平似席甲第紛紛五侯宅繚繞香塵飛
紫雲喧聒畫鼓馳春色朱門繡戶搖青槐翠幕紅
絲賜舞臺鳩鵲觀前驚鵲起濯雲門外駟龍來韓
媽副車絕馳道張放單鞭逗歸鳥金吾擁衛巷無

人丞相迴軒跡如掃一生讀書不識丁只解吹簫
與弄笙昨夜偷開木門出今朝又向章臺行章臺
柳色如青玉夜夜花前剪明燭臨淄麗女可憐聲
鎮西歌童妙意曲并肩錦袖同心襦合歡寶扇連
理杯盃中只嫌天地窄扇底直使神仙迷綠幘廬
兒堪炙手青衣小郎慣使酒天寒海氣薄西山日
短雲光銷北斗黃門鈎盾空邀遮御府金錢半在
家鄧氏銅山賤越馬鄆家金穴欺隋蛇自言奏有
回天力又道功多絕地脉摧盡南山樂未央翻殘

北海人如昔寧知天地一朝開寧知日月還昭回
麻紙半行變顏色葉銜十步生塵埃賓客聞聲皆
走匿妻孥相對唯號哀古來白鶴與黃犬專待豪
奢公子來何如簞笠紫泥坂獨舉青山蓮葉杯縱
非上古莫靈樹也是蒙莊樗櫟材

楚宮曲

楚山十二芙蓉開一山獨秀高陽臺渚宮爛熳百
花發誰向君王夢裏來君王樓閣藏青春一門一
戶一美人浣沙妖姬失顏色凌波仙子收光塵安

能一一承歡悅好醜只與監
斷新裁舞袖郎當濶魚脂照
但論聲聲聲亂入君王耳總

白說可憐柘枝細欲
夜不得明不論顏色
付西風菰葉鳴

苦寒行二首

虬壺夜冰鼓吏死苦霧壓日
日不起絳宮悔拜玄
英侯蝸縮蜺蟠滿床水窮竒
守人無晦朔門外誰
能間剥啄獨有袁家揜戶深
隋瓦飄廊渾不覺

南方苦熱北苦寒燭龍近失
天公歡瘵膚皸肌誰
恠得后土迸裂百餘尺長風
數陣刮地起一點青

藜照書几誰將片言稍作溫獨有寸心寒似水君
不見駝裘染火四角燔酒杯落手紅霞翻燕歌趙
舞聲方喧從奴欲歸誰敢言嚴鞞四蹄立向門

侏儒短

侏儒短盾郎長俸錢二百粟一囊凍雨瀟瀟足生
趺北山之什堪悲傷鶴長鳧短一付渠尺雖不足
寸有餘

侏儒行

身比侏儒長六尺俸粟一囊錢二百長饑短飽各

欲死只合中庸老通籍君不見東籬董朝日暉暉
暮飛盡莫道羊珠可療饑若逢龍寤當盡粉

東籬丈人

東籬丈人工把錢大秦明月偷自看複壁重關鑰
九門周樓䟽櫺守具繁出則步騎爭飛翻駢脇多
力居上軒寢處一夕八九遷竦耳睜目驚心魂死
假疋婦詭謬言七十二家疑紛番龜腸蟬腹鞞自
完

雙燕離

雙燕尾涎涎銜泥銜草雲中見
百花潭上平蕪香
絲絲剪破青天練何物春風不相守
不及蘭塘一
回首雄去飄飄雌獨還沙昏
雲黑無青山長年結
巢半不滿捲簾待月湘痕斑
湘痕斑兮竹不萎燕
雛叫闔鳳皇喜

蕩子從軍行

白龍高捲沙磧來落日猶閣
祈連臺燭天野火片
時盡前軍半涉交河回宿
陰沉埋隻羽寒月能
明照新鬼匈奴右臂不得
蹀躞龍駒噴風雨倏

看旌竿火焰高無聞丑上風颼颼望來虜
山林立飛去將軍天日遙天邊日下峇嶢入鏃底刀頭
血光濕連弩臺前熊夜啼彈箏峽畔鷓鴣朝
江此時望月思故鄉夢魂東度關山長青塚蕭條燕鳥雀
黃塵坐卧惟牛羊閨中少婦工脂粉料得年來綺
羅盡不聞天子詔空來未滅匈奴死猶忍冢書却
寄不須封萬里明心有去鴻會見來年新草綠紫
泥夜拜旌元功

隴頭

何處是秦州只隔隴山頭隴山鸚鵡能言語分明
道得閨中苦連年蒲海復榆關折却刀頭不肯環
隴東隴西常轉戰大軍來時絕飛鴈風高斷旆幾
回新凍合新絃幾回斷莫向隴頭望戌卒恐汝一
朝化為石

風木歌

憂來中心不可除海乾河枯水失魚冠纓不足帶
有餘耳目非故山川殊憂來中心不可絕蟾蜍食
盡瓊華月取我衣冠而赭之杜鵑夜夜啼腥血夜

夜復朝朝乾坤遙復遙
冰澌電滅香缸熄
慈母何人謚為妣
走向空幃問前語
不待吾生
吾死死
如有知尚相持死如無知長已矣

卜居行

冥冥深林不可居
白日猛虎嗥山隅
往來僦僦投人嬉
胡不拂衣歸來乎
涉江休誇舟楫牢
涉世休誇方術高
鸞皇孔鳳日以遠
畜臬鳴鴉爭喧囂
白頭仙人玉鬢女
分明共我南牕語
崆同路近行不難
蓬瀛水淺堪輕舉
三珠樹底紫鸞遊
五色芝中

白鹿吻玉堂金馬已可識何不歸來空白頭我謂
仙人之語亦難信天上尊官安可近雲襟霧幄堪
徘徊胡為謫向人間來桃子不因方朔結桃花豈
為劉郎開最愁二釣六鰲盡員方漂沒令人哀

盆菊吟

秋菊有佳色粲粲垂繁英踈枝淡葉不自庇霜華
露蓋何多情爾何不向春風生穠桃繁李同輕盈
莎鷄無語碧梧老蕭然始放雙眸明寂寞如自喜
夷猶獨舒榮不與百草共寥落獨令林壑生崢嶸

自非神仙大丹
駐世踰千齡三

骨諒難終守林泉盟所以採食之
山逍遙有時去一杯且與浮雲傾

秋水篇

秋水灌百川

年與馬河伯欣然為大觀海若

視之直土首

人道遙無不可何為為此栖栖者

鴻鵠遵江湖志

在青雲端鳳皇戢深林一舉天門

寒魯連談笑褫

秦帝掉歌不顧千金歡朱公一出

吳王死扁舟五

湖天地寬丈夫之性本骯髒一龍

一蛇惟所嚮意

氣若殷勤此心可贈君嘗思叩九

閣不然死三軍蹉跎歲月不稱意年來玩弄西山

雲

與鄔汝翼勸酒歌

青袍白馬登君堂盈盈美目誰家郎燈火如山夜色好試歌一曲柔人腸古人不飲今人酒酒到君前莫揮手朝來停車問姓名已知君是人中英英雄不死即一窮生當謁帝明光宮不然羽翼凌天風安能沾沾乎可虛此少年之青銅高門遠閣不可謁翠管生絃此時發客舍靡蕪若亂雲官湖

萼萼如明月世間萬事轉燭來前年海棠今不開
夷齊跼蹐皆已矣何如共醉花前杯恐君一行去
為吏僕夫在前馬在轡空教滿腹流饒涎欲飲不
得下車醉茱萸灣薔薇溝到處月明船上樓清歌
一曲碧雲盡歸去長江天際流

送陸無從

楚雲釀雨東風急瘦馬荒城共愁入江南詞賦子
山哀海上別離李陵泣天地生人貧賤多江頭落
日如頽波一飛九萬廼虛語百年四十今蹉跎吾

觀世人今瓚瓚似爾文章寧坎坷貧賤如海人如
舟飄飄所之無不可君不見東隣富兒耐把錢跬
步不發雙戶堅又不見西隣豎子偶竊位纏索嬰
身更憔悴不如貧賤坐自驕痒可得搔痺可搖興
來五嶽恣遊遨饑來乞食亦逍遙無論伊尹困鼎
調無論太公窮鼓刀即如伯鸞死吳市香名何損
於二豪男兒貧賤何憂勞

題主人草堂

綠鬚主人不解羞負郭嘯傲輕王侯有時倚杖聽

春水涓涓齊向花間流深谿無人雲不收古木蒼
苔同一丘僂僂未發堂下遠宴坐可以當遨遊

獨鴈送箕仲

獨鴈獨鴈汝本雲中翼胡不翩翩遂起青天半江
空沙黑秋不開徘徊路首黯自猜蕭梢無聲蹋地
來黃雲泱泱失白日戢毛顧影鳴聲哀鴻鵠不顧
鸞凰無媒燕市寧無擊筑者黃金駿馬安在哉獨
鴈獨鴈云胡不悲斥鷃能翔鴛馬可馳爾獨胡為
躡躡離披天地之大寡儔侶隨風飄飄何所之莫

發嘹歷之哀音恐今羈人白盡馬上之青絲莫隨
畸危之片影梅花明月空相思萬里獨去但自保
饑寧不啄田邊稻倦寧不息原上草青莎白石高
下飛飛寧不入鷄群小賴有片雲能送君薊門涼
月秋客早安得九萬扶搖風吹君直上青雲冥空
蒼蒼之外友大鵬豈因濩落無飛翮獨鴈獨鴈期
爾乎雲中

送長孺

牧奴城頭朔風起江楓亂撲離人耳可憐割被咯

西東不及哀鴻共千里初行作客殊未慣儕輩相
將指州縣莫恨秋光為爾多古來誰不悲貧賤

送董文蔚之揚州

董生別我何方去白雲莽莽迷官渡安得東來三
日風吹君直上揚州路揚州看花亦不惡世人只
念騎黃鶴黃鶴上天不可招况是名花亦消索貧
語不重寒交輕短鬢如蓬豈有情愛君不願君遠
去且向金山寺裏行

炎海行贈吳明卿還高州

祝融朝駕北戶開湯池煮日天半摧綠烟朱燼平
海出陽侯羸行迷相失蛇珠化雨翡翠雲天龍九
首腰紫纁孤鳳叫月月不語妖霍鬣鬣紛向君四
時總是皇天氣平分不到炎荒地深院梧桐碧甃
間不許長轅斃時繫高涼主人笑拍手白雪題軒
夢前牖冰絃續續三尺聲一片浮雲掌上生

贈教公

男兒生身不須早但願高堂長壽考教公生子何
太奇五十抱此麒麟兒觸龍已老舒祺少生憎不

見成人時年逾三十始上第豫章見奇亦非易老
翁曳杖出門看滿道飛塵捷書至南金作勒蜀錦
韉赤旌前導雙翩翩桂子歸來拜膝下里人成堵
觀門前高懸白日爛生彩松柏南山常不改生子
但得如教公白頭富貴遙相待

女貞樹為馮節婦

女貞樹鬱扶何葱青嚴霜隨地白日沒寒枝半抱
秋風生雲黝黝石齶齶雲夜愁石朝語生與為墓
上木死與為墓下土鬼車勿啼猛虎怒原上新條

吾有主化為青虬帝閣去入帝閣絙繁絃一曲湘
妃魂隨風落人間聞者噫噓再三嘆鬱我女貞樹
何如桃李顏

贈劉翁媪

仙人劉綱遊紫清夫妻雙雙騎鹿行種桃兩株垂
內庭絳花青實丰茸生日長無事麗色盈戲角小
技歡笑并聯翩三鳥時來迎東公西母翻霓旌鸞
情鳳想自昔縈聊以暇日嬉滄瀛有子握珠字更
連晨探玉珮趨承明枕中鴻寶有至精未期試向

天闈呈且歸庭闈添壽觥

送陳元忠扶侍歸蜀

古來常稱蜀道難君家蜀道何夷延千巘萬壑不作險飄如羽翼行青天君家相公濯日手天子橫經口親授龍虎時逢五百年麒麟畫出群公右麒麟還產麒麟兒十五二十名滿時口誦河東三篋書手掩甘泉十萬詞黃金每向宮中賤白鳳還來夢裏飛周公拜前魯公後珊珊鳴珮充黃扉相公忽抗遺榮疏君亦乞身扶侍去詔乘六傳行如飛

煌煌玉節開雲霧錦纜平牽象馬江文輶自穩噦
噦路峨眉喜報仙人回劔外朝看紫氣開題橋且
掩相如色負弩應多縣令來吁嗟乎人間行路盡
如此天上御風那可擬茫茫白草薊門秋送君西
去徒延佇

吳州歌為王祭酒元馭兄弟壽親

日出東南隅照見吳州門吳州小兒歌青裙木公
金母雙騎雲人間揖拜何繽紛暫離仙族來人群
何者姓氏太原君以金為室玉為堂擘麟炮鳳羅

柘漿紫袍錦裙寶帶光夫人翟褱明月璫同量嬾
媿偕壽康高燒銀燭儼兩行長筵膝席行梧觴前
歌未竟後樂張是時天秋月初涼茱萸欲紅菊向
黃觀者蔽門忘夜央譁言深歎不可詳借問歎息
何者為是翁是媪天上竒大子起家侍帝墀文章
麟鳳人龍夔何用識之太學師橫金珮玉雙前麾
次子堂堂題柱姿南宮聲名赤羽旌予告晝日馬
馬馳入門捧膝拜屈卮伸腰再三繁威儀陌頭綠
幘飛一螭萬里自北緘相思御夢島巒佐朝犧爵

弁纁裳加繡絺滿堂歡笑蓬萊池共呼延年天地
期何論寂寞行採芝是翁是媪天下奇

送侯侍御之楚粵

南風吹雲散作絲青驪駸駸色間之道旁亦有遠
遊客望見飛旌不敢窺都門組綬黯失色為避使
君持斧力遙知楚越江山春盡是風霜佐生殖祖
帳紛紛白日晚萬里晴空送君遠綠槐深處度鐘
聲憶汝封章歸上苑

晨行歌

明星尚低天未明凍日潛從海底升夜如何其起
蓐食開門車馬喧喧行人生貴賤皆有職蹇蹄請
勿辭前征投簪未必玄髮生解綬未必肘腋輕不
向山田事耜耕更從牧豎披榛荆陸沉吏隱亦不
惡長饑短飽須評天寒日駛晝難給不加夙春
誰其營君不見南箕北斗相縱橫東烏西兔日夜
爭警露之鶴不停喉失晨之鷄亦補鳴但無陰霾
暗往路縱有冰雪皆夷平富平里第無罌更城烏
不敢朝墮聲侍兒密覆將寒錦僮子謹護初調鶯

不向紗櫺看曉色
安知門外輪蹄情

送王忠伯太史使秦隴

往年諸邊戰驕虜
諸將紛紛肆斤斧
今年驕虜悉王侯
廟堂坐畫陰山籌
回中烽火平安信
隴西羌笛無人愁
天子尚文不尚武
侍臣持節誰王府
邊馬如雲饜芻穀
不道旌旗送迎苦
我昔曾聞范文子
外寧內憂遞枝柱
不願呼韓長扣關
但願虞庭盛干羽
惟君望重蒼生攬
轡山川群吏迎赤蘘
預訪邊庭事
玉燭時來佐太平

麻姑壇歌寄毛君明

麻姑壇壇荒出青山白日不留丹鳳駕紫雲已化
青螺鬟麻姑昔向吳門集鬢髮垂腰綠華濕侍兒
並服六銖衣從官盡負三山笈數百年來別人久
須臾騰空拜雙手五龍暫駐括蒼車二金近取餘
杭酒麻姑去後又千年海水半淺仍當田吾將手
驅白鹿去踏梯高步瑤臺顛麟脯花香美堪飽翡
翠明璫未應老背上寧當一一鞭心中猶戀纖纖
爪仙郎舊與蔡家隣今來吏隱仙壇春為余敬致

廓落字三時灑掃蓬山塵

送蘓以時兼訊賣藥張翁

張名軒巴縣人

君不見君平賣卜成都市言忠言孝無他異簾內
惟箴一百錢目中但識五千字又不見子真不走
長安城春風春雨長躬耕至今谷口鋤姓字何論
漢室名公卿士當貧賤稱致主空為大言謬人耳
豈有熙熙為利來乃能蹇蹇酬人死達亦不足喜
窮亦不足悲有時自採商山芝有時周王羅
下為泥蟠上天飛飛時為雄伏非雌天網四張羅

不得有時自來非鍛翼重磨日月排星辰騎龍駕
鶴鞭麒麟世人聞言每大笑吾子此意寧沉淪試
詢賣藥巴山者莫是當時賣卜人

送吳明卿之河南

西風吹立桑乾水一色寒雲千萬里僕夫不念霜
蹄勞候人總為關鷄起天下文章妙使君况逢天
子新好文前席無因問鬼神驅車白雲紛紛白
日紛紛落紅樹為君劒歌君劒舞長安之酒斗十
千赤仄之錢一當五杖頭空有酒人挑壚前不許

胡姬數醒然送君怨芳杜

時有酒禁

送朱潛山鴻父

君家槐里名最優漢庭公卿無與儔
談經每折豎儒角伏檻願與忠臣游
杜陵丞相徒馳騁桐鄉畜夫亦異等
豈如操節凌風霜自古丹青照形影
吳下聞君自少年榜中題字知君賢
器成不辨良工樸網結猶烹小國鮮
莫言吏事徒勞頸莫謂南陽不可問
周南若有訟餘田關內尚多野爰印

訪顧玄言不遇寄贈

南園繁花何灼灼昨日方開今日落開時盡道春
風佳落時又恐春風惡風佳風惡纔須史世人責
天何太迂南園春來北園去何園留得春長住九
華外史獨閉關一片青雲終日閒尚有詩扇歌白
日更無書札酬人間四月八日錫山道佛日不拜
黃金顏閣風舉帆輕一羽倏忽遠引蓬萊山竹鷄
桑扈領空翠風潭烟峙留潺湲江籬淺綠皆顏色
黃鸝小嘒猶綿蠻安得移家近汝邊不須抽對黃
河懸但看隱几已灑然共作青春萬年主洗瓢細

嘯山中泉

送顧將軍之貴州

漢皇昔事西南夷蕭然兵甲開羅施至今殺氣滿
崕谷苦霧四塞陰風吹十日九日不見日見日猶
應朝飯畢鬼心鬼面相構爭跳險綠危如鳥疾將
軍有手能接孫腰間鷺鷥聲嗷嗷三年伐盡邛山
竹蜀賈四出聲名高懸知眼中無石曹

送屠長卿公車

桃花渡口梅花白官奴城下

流碧臘月八日天

氣晴東風為汝開行色舊年春事新年前新年一
倍春堪憐細柳初鶯滿人耳流雲挾君飛上天天
門忽開五色曜天子尚文君正少萬朶花枝羽旆
明最上一枝顧君笑宮袍方正無周折道旁觀者
森成列杏苑金泥醉後書可忘桃花渡頭別

送吳山人之天台

吳中年少今吳君睢盱不揖風塵人負圖檐簷常
獨往布袍如雪時時新來觀禹穴歲書處又向蓬
山望烟霧手持白筆搖青天貝闕瓊樓入詞賦海

雲扶身身更輕海水洗眼眼更明聳身靈鷲白日
舉靈鷲隨慶霞為城霞城高標天影空石梁秋色
人如蓬山僧若肯乞人住為余灑掃雲中峰

寄留都周民部國雍

沉沉霖雨白水渾故人訊書來叩門開題宛見相
思字十載交情尚如此留都逍遙一事無潛郎分
日為游娛習習春風弄桃葉娟娟夜月招鸕鷀沈
郎歐郎每相見卷裏誰是今駟駟不須鞿策尋往
事儘堪搖筆鳴今都賦成莫恨無人識斗牛光射

天心孤卜
史占星閔不得帝園廣樹朝陽梧

揚州
遲內子

君不見也

萍與織女天上盈盈只一水人間剩有

千餘里

皇恩君君不知莎鷄鳴白鴛鴦渚可憐

西山吞白

可憐彩月雲中出朝朝暮暮愁向人

水水山山夢猶失終朝愁水復愁風安得行人在
眼中愁多方寡誰勝得江楓為我生秋色

再遊上方寺與故人飲別

我來上方十載前桃花嬌殺春風憐酒尊清於蜀

井泉彈絲品竹集四筵我來上方十載後秋霜白
盡門前柳當年故人不半席杯中白髮多於酒故
人故人復故人何為日夜翻作新感此令人腸欲
斷蕪城之賦增酸辛博山爐中爇沉水琪花片片
微風起小花為我隨意綠山鳥從渠盡情語隋帝
宮前酒地多吳公臺下生寒波生憎紫燕辭條去
尚有流煙斷續歌長年且勿解維開再與諸君覆
幾杯看公力戒揖明主雙期赤松黃石來不學麻
姑典仙職三淺海波方一回

宮市

望月臺前綠鴨飛
李中桃中積翠幃
金與不來鐵籠稀
編菱緝茅開甕扉
喧喧宮市走曙暉
腰纏儘買瑤箱衣
無勞寒女終年機

寄所

柳衢相逢鞭去馬
口寄鴻書不成寫
看余蝕盡縵胡纓
誰是長楊從獵者
露華凝寒濕兔目
商山桂香五四綠
園公歸來抱頭哭
公無渡河河泱泱
徒盡桃花流水長
一床絡緯號素節
鴛機幾處悲漁

陽星烽煌煌照江樹欲傾海水澆喉嚨座中誰唱
丁都護惱得周郎數回顧

秦淵

百日

小潭蛟子留不得一去十旬無蹤跡痛殺東廂阿
母心血決霜椒勸空席丹輻已附漕船還素靈疑
在庭除開養子本期送父死汝父何為翻送子幾
處芙蓉空莫開塞鴻昇汝江頭哀昨宵架中得遺
籍燒之不女應惜間庭蓼花能弄紅擺淨霜痕
迎老翁終明又欲逢重九安得茱萸兩杯酒

老來行

老來心腸與昔殊
槁如秋條不可迂
以薤為羶燥
為濡宮商倒置玄
白淪無堪俛仰從
世驅上書北
闕歸西隅臨場不
復展繡弧臨觴不
復爭博盧已
甘化作秋風枯敢
復肩隨偉丈夫軒
皇久仙難再
呼逝從象罔求玄
珠天子倘肯許老
奴諸公幸爾
容狂且

老鷄行

相州浮屠滅素雲
佛徒四散靈光分
有狐綏綏窟

其頂據危布巧張魔軍公然出入索祭賽移精屋
底驚釵裙幾村月下捲眠席驅桃鞭棘喧相聞平
原公子攬游騎意氣西來照天地翩翩從者五陵
豪手指青松暫留憩聞茲肝腸裂秋色虎豹縱橫
誰耐得回看鞞上老愁胡好去清霜試風力愁胡
整束儘從容竦身三躍生剛風老狐負嶠正眼空
老鷹深目復自雄不期側翅偶失便霜毛醉舞桃
花紅道旁觀者色如土公子生蒙隴西耻難忘一
戰雪曹柯詎惜千金求郭隗詰朝載取老鷄來金

眸鐵脛非凡才一蹴四天聲
翩翩愁雲慘淡為之
開心知敵手不易摧
交綏便作旋風回
長鳴飄然
向空去
狂飈笑破呼鷹臺
不堪一辱還再辱
三斷
金鞭仰天哭
江花片片自飛來
江鳥不飛皆掩目
忽聞群鴉遶相輪
如泣如吊聲
狺狺老狐失驚小
狐哭迷離欲竄無
荒榛未解天公意
何者萬人欲
去仍旋馬
東方一道如飛龍
無數竒毛蔽天下
橫排鷺鶴吹
撼粟殺聲欲震長
平瓦
健翮當前索
狐戰群
握飛沙
爭撲面
風塵入眼
青天昏
霹靂一聲

滄海變自餘小怪無煩誅攢頭亂啄充朝脯但聞
腥風萬縷汗遺腸儘足餐饑鳥心感主人再三呼
激烈綢繆當報珠吾觀此鷄智勇俱不數博浪沙
中鋌似曾親受黃公符吁嗟鳥中之丈夫鳥有丈
夫人則無

臨高臺

臨高臺黃鵠不舉令人哀浮雲于我何有哉元放
何驚遽如許孔賓難忘歸去不忠孝傷生昔所歎
遼陽華表堪徘徊臨高臺月波雪竇生莓苔桂花

更待何人發桂樹之歌誰與裁何怪人間換陵谷
不聞滄海生黃埃臨高臺朝來作書與洪厓我家
三山互近遠一山最近稱蓬萊青天欲秋皓魄滿
期君逍遙浮一杯金巒碧林富奇樹也着蒙莊樗
櫟材

喙鳴詩集卷六終

喙鳴詩集目錄卷七

七言古詩

少司馬屠公歌

木阜峰歌奉壽叔父句

章公

雷將軍歌

送易侍御之貶所

馮比部母晝荻圖

送蔡伯安參軍之楚州歌

王氏三子歌

放歌行

奉寄南充陳相公

寄贈俞士行淮上治漕

贈管建初侍直武英殿

送臨淮侯李惟寅守南都

蓬萊劔侯歌為戚大將軍

中林詞奉寄四二叔父

金臺懷古

逢友人罷歸

題沈徵君墨竹徵君仲化宗伯父

錢氏二子母受誥封歌

招寶山歌贈吳伯恒

賀海豐楊太宰致仕歌

玄扈石室歌贈龍伯貞

四明山歌

病起贈陳魯直

楊柳歌

送客還山

君房樓玄館

柳枝歌

江頭春

贈鍼師劉子津

日出入金閭門行寄友

岱丘行

端門監者歌

日出入金門行

觀選淋女

聞簫

寶刀行

城南行

怨歌行

採蓮詠

清明憶隴上

寄明成二首

邯鄲詞

楚宮詞

金陵法華寺白蓮閣池

是陳後主張麗華孔貴嬪墮處

過故相長沙李公門

秋風贈所知

十月一日

送金伯庚還山

釣竿

歐陽文忠公詩集目錄卷七終

喙鳴詩集卷七

四明 沈一貫肩吾 著

七言古詩

曾 孫光燕子翼重校

少司馬屠公歌

莫言天下無神仙海中安得三神山此意惟有屠
司馬晴雲飛鳥空中還青天寶氣流明月天鷄夜
嘯黃金窟江山秀色既可食渤海洪濤未應沒自
從鬢髮始有鬚宦游多在神仙都手持九天玄女
勅校勘五嶽真經圖蓬頭鍊師赤肚子白鷓鴣風前

兩相視灌頂醜醜澆玉根乞得麻姑口中水背負
三尺如芙蓉世人不識呼為龍鮫胎歛取寒潭色
江海小市潛其鋒博帶長裙加短帽柴車出遊里
中笑黃鵠安知世上心白雲自識山中妙豐年賣
穀得錢多故人車轍來經過對酒自翻可憐曲小
姬夜按箜篌歌遂初堂前堪大噓令子新開霞爽
閣閣中蓬萊在眼前青霞片片浮瓊筵待他棗枝
長千尺驅車直上三山顛

木阜峰歌奉壽叔父句章公

昔年南遊木阜峰三十六朶青芙蓉峰峰並結紫
鰐角天人盡集牟丘鐘稍東漸看嶮壁立咫尺忽
墮霞標重倒懸怪石注沆瀣自腰以上鮮雲封尺
蘿寸蘚不敢上豈有累塊容杉松巖闕嶮岨入皎
皎石泉浮動流淙淙只愁却閉星辰外洞房深膩
桃花踪泝洄十里溪路盡鵝鷓稍見鳴丰茸採薪
溪女出絕巘清秋香汗流酥胞天皇行營結嚴隊
楔猱後衛視前衝邈邈離世獨巉絕蒼蒼洗色無
纖穠土人只解遊培塿此地杖履來無從閔藏自

是鬼神巧駘蕩真為吾曹容叔父雄姿絕今古
踏天壤心橫縱真龍不肯行地上况肯蹶躡隨
驅寒淹留兮獨空谷滄洲玄圃高吾宗靈篇滿
握驅虎豹直令屈宋摧詞鋒竹苞松枝坐可把
篆香
梳茗貧能供名山不朽幾人在此翁自有千年
逢
古之仙者多晚節紫芝瑤草無秋冬露花迸出
瓊
粘白痛飲一日當千鍾願我歲歲執鞭弭赤脚
騰
踏雙青龍

雷將軍歌有序

大將軍雷龍少時守備階州隋棧道下若
憑虛馬與其騎皆無恙一日夢天際飛三
矢有從夢中占曰此天山兆也已為寧夏
遊擊將軍初開轅門揖諸將無雲而雷一
龍夭矯自署中起今以大將軍專閫登壇
又召為都督奉璽書總鎮西夏臨淮李侯
請歌以壯其行為集三事總賦長篇

雷將軍麗騰虎矚勇絕倫少年搖旗渡隴棧騎射
所到星河新瞥然履空墮岬石颯如羽翼行流雲

吟詩言集卷之七
毫毛不損意氣出無乃左右持明神春星夜挾天
際飛三矢畫集琕璫夢中咤聲覺在耳濕雲騎
馬天山歸賀蘭山頭開幕府大旗正拂轅門午一
聲霹靂勁儲胥五色雲龍起弓弣人言將軍動有
天精忠懸於白日前劔花每映雪山白月輪長向
胡霜圓至尊思識麒麟狀詔書徵見雲霄上羽林
材官側眼窺中朝豪士旋鑿向蓬萊殿前賜錦袍
鳴沙城下輝旌旄獵火夜燒左賢帳牛羊驅渡如
秋濤莫辭征驂鐵衣重歸來頭上看金貂

送易侍御之貶所

晨裝出巖城悠悠何所征東崖月上淡生影照見
僮僕參差情莫言人間路途苦主恩猶許陂陀行

馮比部母畫荻圖

誰為馮郎畫荻圖丹青見之稱嗚呼空桑之事知
有無想像熬夏眼中惡縱無畫史寧糝糊寶釵股
斷鬼物哭青天四垂應雨粟古惟韓國太夫人今
也無人惟母獨嗚呼男兒識字徒紛紛豈無龍蛇
誰奮身揚雲竟為天祿鬼蔡邕終詘蘭臺賓馮郎

記得啖猪事應識當年斷機意手簪白筆西曹還
慈母幾回開笑顏

送蔡伯安參軍之楚州歌

黃河流沙高百丈徐淮之水行天上毒龍神龜紛
鬪擊誰令魚鱉安無恙水衡鑄錢十年力近日司
空稱慨慷堰旁異骨既專車洪底深巘又浮象飛
阜急慰神堯心五雲氣色榮河王百言稽首君相
力百言推轂群工績令丞簿尉臺與胥寸勞上照
潼石廟堂欲竭群材用徃徃微能酬厚直參軍

新拜之楚州司空幕中直治艘小舟汎汎依大舟
一帆千里亦不休為余問訊倉曹劉虞部陳侯俞
武侯日月光華宜黑頭

王氏三子歌

天台王新甫以癸卯魁浙其子
士崧以癸酉魁浙士琦以丙子

魁順天士昌以己卯
魁順天皆春秋第五

天下山川各有神宇宙豈謂無其人安得天台三
萬丈石橋霞標生一門龍陽司空與三子各以一
試魁其倫麟經豈是王家物筆鋒所向無全軍司
空書名國史新尺寸豈與經生論三子皎皎三玉

樹下馬歛見桑樞春固知丹穴之羽悉九苞渤澥
之水無尺鱗丈夫七尺蔽天地今日雲霞草致身

放歌行

古人貴清貧今人貴邪贏夜蛾赴烈火不悟飛鴻
情飛鴻逝雲端一去如跳丸誰能攀其翼百鳥方
心寒憂從中心來外物安能寬鷓鴣拾瑤草衆芳
收其歡我今放歌君試聽天地為余總愁病東鄰
瑤軫既有情西海明珠豈無脛何處修篁不受炎
何處貞松自然勁繞朝敢謂秦無人樂毅遂稱臣

不佞淒雲已晴中庭陰促織空為床下吟穆生醴
酒我當去季布髡鉗君自任顛以不肖驅長托無
為國生為白日光死作青山色清泉可以入叵羅
紅蕖不劣於嬌娥竹葉飲時桃葉勸柘枝舞處柳
枝歌白眼向天天不怒悠悠萬事如予何

奉寄南充陳相公

青城山出西南端蜀道欽崎千萬盤寒暄只有一
黛色此色正與青冥看俯絡坤維紀萬國仰擎乾
象經雙丸何溪潺湲非玉乳何石魁磊非珠玕銅

梁玉壘捧其足兒孫尚乃神仙蟠三清小鳥委芳
訊五老赤龍飛絕翰手揮玉犀酌元氣四時辟暑
還辟寒芙蓉闕前發瑞檢虎豹關裏燒霞丹我聞
人所歌舞天必從海內飲食祝公餐天為社稷降
河嶽暗役百靈扶轂鞍顏公四萬八千歲歲歲青
城騎紫鸞

寄贈俞士行淮上治漕

葡萄印前春雨多典客館下牽六騾將軍抱持貔
虎略且與龜鼉爭水波江河之決雖天事支祈安

得稱非崇也飛劍出江水
渾浪拍芙蓉
茜花細西來一線垂
天天下軍輸集似烟
朝廷盡食司空力大農歲
鍾官錢淮陰方為治
粟尉高壇何日飛旌旃

贈管建公待直武英殿

始知丹青妙善發天地機
幾人畫龍不得似誰能親奉直龍飛
管生今日好舉止不復當年吳下士
俊雅清竒特擅場懸毫洗出山川髓
卷却雲霞次第開招將鸞鳳趨
躋來明時瑞應紛在眼至尊為

舉流霞杯登時裏以漢冠幘歸來妻兒不相識塵
埃一旦生醜顏草屨雙雙挂東壁吾觀古之避世
者多在金馬銅龍下一囊俸粟可治生且自緜衣
般礫裸技亦有所施心亦有所為虎頭碌碌真乃
癡鄭虔坎壈不識時重瞳八彩已渺矣方今堯舜
真無為無逸屏幽風障且須貌取開元樣吳農苦
饑越女寒眼耳親經手堪放

送臨淮侯李惟寅守南都

君侯岐陽王子孫家之指嗣國寶臣黃符三略世

所授素業一、家心更親雙霓夜渡石頭渚佩刀躍
出作人語試看遠近桑麻中盡是先王血駒所昔
年組練留殘紅此日歌謠落照中分命保釐黃紙
重古來周召竝稱公

蓬萊劍侯歌為戚大將軍

神仙宮闕居 瞳瞳瑞色春風開赤水茫茫連
海濶孕靈苞乃生全材伏虎山頭夜游獵癡龍洞
中稱劍俠陰何朗洩乾坤機寶劍高批鬼神頰君
王拊髀思竒烈一朝推轂真將軍已見樓船清海

嶠還看驃騎掃胡塵自從拜命屯三輔仗鉞時時
出行部氣與虹霓作顏色身將士卒同甘苦高騎
白馬降昆邪榆樹年年開好花指顧泰山應作礪
平吞沙磧皆為家塞下龍蛇識功德天上麒麟稱
柱石城頭桴鼓誰躬親軍中亦有夫人力帳前偏
裨皆印肘月午風清進春酒飲飛起舞材官歌蕃
落夷兒咸稽首從此邊城長不關漢人耕種青海
灣將軍勲業在天地何說三生與九還

春江無雲屬玉飛綠雨谿深桑扈啼凌霄欲花彩
虹落斜日正照中林低木蘭船開明月滿淡靄微
風越羅煖遙聞高唱不勝情一夜相思碧雲斷

金臺懷古

燕臺昔日亡薊丘燕郊駿馬無人收一朝買得黃
金骨臺前萬騎皆驂騑古來君臣不易得老死英
雄難物色眼前忘却樂毅功後世安知郭生力九
月易水蕭蕭寒行人褰裳欲渡難一時羽聲盡銷
歇猶有怒髮能衝冠至今都人好奇節白日街心

落紅雪可憐
昭王墓前樹
一輪光彩懸
明月

逢友人罷歸

銅壺沉沉銀箭長
夕息抱影閒空床
四愁滿天客遊子
百計不如歸故鄉
曉登危樓望木葉
珠林一夜成瀟湘
數鴈夕陽中看雲
秋色裏鴈度薰葭
外雲歸石門底銷
沉六代有寒潮牢
落三江惟夜雨梧
埤芸閣怨離居嶽
樹江雲音信踈如
澗酒飲千鍾上挾
瑟詞歌萬首餘請
君勿忘秣陵字令
人空

釣湘江魚

題沈徵君墨竹徵君仲化宗伯父

龍種脩脩出何族嶰嶺以來說淇澳我今見畫如
見人箇箇琅玕滿霜幙參差黛色久不乾陸離紺
影空中看大枝虬舞冰鱗老小枝鶴飛風翻寒虬
舞鶴飛紛要眇吐霧含風青未了試看深塢幾竿
綠已覺青波千畝少誰共畫者沈徵君烟霞澹蕩
揚青芬跨將孔翠三山無翦得瀟湘一片雲瀟湘
窈窕浮天濕幽谷檀藥露華泣葛陂何日化龍歸
阿閣此時看鳳集移根植向天家來伶倫夜吹六

簫開坐收群籟歸元韵
蹌蹌率舞歌康哉

錢氏二子母受誥封歌

次子士鰲

五季錢王之子孫
虬蟠夔伏浙水濱
四傳功德難具論
百代禮樂猶清芬
夫人本是雲中君
腹中二鰲迥不群
大兕尹通許手扳
薤本投清水小兒守
蓼州道旁馴雉鳴
啁啁二子皆可富民侯
一時並分天王憂
司封已出五花軸
綉文巧繫青鸞足
鷄鳴舉筯加數餐
江頭士女皆來觀
門前絡繹送雕

盤歸來灑掃龍山園

招寶山歌贈吳伯恒

招寶山遠控諸夷
牢置關旌旗閃爍
搖雲間
往年
山頭擂大鼓
怒噴群龍開水府
百丈妖鱗截作泥
千群怪尾糜為脯
近來戰艦纜江痕
隨潮上下橫
蛟門已奪陽侯白
波險漁師四出洪
濤渾
四月楊
花飛滿浦
前船鳴鉦後鳴鼓
唱歌歸來如沸湯
江
頭滿甕春風香
問漁何所得
鱸鯨已盡無
絕梁小
魚魴鯉大魴鱗
問歌何所云
二十年來無鬪氛
白
鷗飛向青鳧群
君不見山頭飲酒吳使君

賀海豐楊太宰致仕歌

有序

太宰性諧五德道含百行渾金璞玉天下
莫名其材甘雨和風四海並受其賜遺榮
歸老士大夫咸喜色而天下不釋然某夙
奉教言長懷几席為蒼生出嘉安石之成
功從赤松游羨子房之藏用如金如玉善
作善成爰賦長歌專伸遙賀

古之避世者常在桃源中今日桃花嶺復有龐眉
公桃花年年同一笑人事年年不同調我今為公

一放歌想像青雲落晴嶠揚公揚公濟時手股肱
聖人元氣厚往年天軸偶搖動夜半風雷飛電母
揚公澄然水鏡平涇渭九流皆就清不獨蓬麻相
倚仗蕭艾盡化為荃蘅譬如大鈞播萬物默奪寒
暄人不驚又如陽春祇一煦欣欣莢甲皆專榮我
昔提巾親見此三年南鴈浮江水古柏蒼松好歲
盟但看明月飛千里釣竿寄在北海頭至今絲綸
長不收朝天拜章請骸骨明主不許空夷猶今春
何日轉天意傾朝祖帳浮蘭氣病子聞之喜欲舞

自傷不控東門騎是出可舒卷可收泰岱可觴海
可籌鷗毛可冠庶可裘揚翁學道得道力乾坤萬
里皆浮蜉勞山仙者春東霞時來嘯傲春風不

玄扈石室歌贈龍伯貞

玄扈石室知何許玄雲潑潑流三楚岷峨秀色從
西來攬結嵩洛天地開豁衍空洞發靈竅奔走七
聖如狂埃四目神人披寶檢九鼎玉女流瓊杯小
臣板者雖墮地猶為萬古群僊魁龍侯本是南鷗
羽跼躄九州今久矣狂拈寸管鞭雷電饒百花

役風雨年來作吏東海東蹤跡半在名山中
有時隱几百花宮有時執簡朝崆峒
牧馬小術已試可竭來欲舉凌天風
嗚呼皇天不仁芻狗我連年丘壘
生烟火自侯噴激甘雨來黃靈幻出
仙雲朶我亦生平好奇尚翠壁青厓
無不可安能待取九鼎成直須早據
瑤臺左逍遙踏雲拂片石為君先聚
常山果

四明山歌

我昔長歌天姥吟今來飛越江之深
烟波浩蕩都

在眼蒼厓白鹿紛可尋遊足未開意已窅片雲隱
約前村盡遠來縱入丹山赤水之洞天果爾三百
八十芙蓉之峰相鈎連沸如巨浪排九淵渴虬饑
鱷崩奔前驚魂褫魄悸不定乃知世間安得無神
仙際天但有淺黛色到頂猶窮羽人翼謝公萬夫
鑿不得支遁欲度空歎息黃熊近人白虎怒杜鵑
半染松花碧青鞋屢穿幾悔來眼前可即仍徘徊
俄聞竹間響茶臼寺門正對雙眉開草根敲冰持
條釜纖陰送靈秋雨劉綱臺榭收紫綃王交濕

布懸青組二菲三菁宛可拾東烏西兔紛來舞篆
烟雕霧無時休一雙白鶴飛何苦吁嗟乎劉郎誤
入青山圍不是忘歸不得歸薜荔滿牆皆可衣胡
麻滿谷何愁饑赤雲層層團白日任他渡口桃花
飛百年三萬六千日古今賢聖皆永畢何為容易
別青山空教青山笑不還誅茅結屋弄流水溪雲
與我長潺湲

病起贈陳魯季歌

我聞康回發憤摧天柱媧皇鍊取丹砂補當時聞

之不肯信今日身經信斯語壯懷每欲經崑崙俯
折若木招青春忽逢二豎為虺蜴中途濺血殷朱
輪茅山老仙絨玉祀君自何方稱弟子為余伐却
三生毛俄又滌除千劫髓日月光華還舊觀青羊
赤麟雙向前詰朝挾之謁帝所兩驂如舞虹蜺旋
黃姑織女持我笑賀余近領丹經要飛瓊仙仙舉
玉卮浮丘矯矯揚華燾顧白雲兮思故鄉紛陸離
兮龍劍長贈我桃枝與竹杖鞭笞臊豸如群羊勿
嫌瘦骨瘦干鶴縞衣丹頂堪翱翔令余敬致陳扶

搖別來雪積峨眉高

楊柳歌

青門楊柳一萬株
扯條布枝待馬蹄
柳枝日夜能高低
馬蹄日夜能東西
若教繫馬上
林樹柳枝滅
沒春風蹊

送客還山

新荷夜卷梨花雨
青山倒浸琵琶渚
新栽荷服雅稱身
著入池中不知所
牀頭黃石讀已盡
尚餘一卷金仙語
施之人間無所用
挾向松林避煩暑
林

中月出遲漁郎嶺上茶生期
姪女鄉音啞啞可憐生
賤却清宮激梁楚

君房樓玄館

茶蘼曉沉東風騫青蘿
夜入棠梨軒鷓鴣咽咽相
喚去印破西池碧玉痕
樓玄主人貪晏起片陰忽
墮江城午吾知桃花終不
言何用欣欣解人語

柳枝歌

柳枝搖春春可憐
朝來作花飛上天
纔依羌笛吹雲去
又倚娼樓數酒錢
一從移栽上林苑
每日祇

辨三回眠

江頭春

江南春風麗如綺十萬人家種桃李鶯聲巧弄管
絃新燕子平行一江水當時喚汝作玉人悔不喚
作江頭春江頭春會年年到玉人何處流光塵

贈鍼師劉子津

左肘垂揚痛殺我坐卧立行無一可大聲呼天天
不聞造物熒熒轉風火家人回惑求方伎門前絡
繹馳翰軻劉君鍼法真絕竒應手為余疏帶鎖岐

黃救療鍼第一自餘草木皆委瑣百年以來失正
傳太醫公座猶虛左海內獨談凌漢章君自何方
得磔砢談笑之間捷有神披紛不讓聊城筈至尊
憂國猶晏朝尚藥如林足皆裹我欲騰君入九天
應賜明珠一千顆

日出入金閭門行寄友

日出入金閭門朝隨明星暮紫雲素食經秋亦何
意素心空自生氤氳群英遶轍不得前白髮蕭蕭
蒙少年當關者誰奮怒言何以處我山之巔可憐

神龍不見目滿身烟霧相隨出可憐堯舜不見人
龍車遙遙度紫旻康衢之歌難上聞土階三尺深
重闈相如肺病猶著書子雲天祿寥寥居西山白
雲謝逋客故園業桂今何如

八五行

岱丘直下可堪群仙來游行絳霓白鳥夜伏猿
晝啼一從新於泥碧桃芳樹交成蹊天孫晴
簾芙蓉錦天夜半聞晨鷄諸峰長白天最西雕
樞繡房羽士樓遊人往往從此迷我來香雲開萬

畦決皆猶向吳門東何論堂下魯與齊何來鉅公
幸我携授我玉牋令我題無乃黃石公子孫風光
汎汎流春莖漢庭物色空四海時明好去游金閨
待將攬搶悉掃盡被飾青雲天馬蹄

端門監者歌

北門戒嚴肅紫城交戟之下如雪明黑貂力盡偃
不起偏偏仄無路行賴有左右腋持得不爾此
履難為聲端者笑且迎小童淪茗波光清新
萬香浮四壁煖暫回春風亦稱情且寬懷抱休沾

關女
糸

日出入金門行

昨暮日入我當出今朝日出我當入
日出入兮無
停輪我亦孤征向人急
鞞鞞雙履翻數千天街摩
成寶鏡鮮令
次且息不得息
兩昏掖我高於肩
汝
饑不能倩
亦劬勞堪自保
世間到處有羊
腸何必啼嗟
蜀道當時只恨隔重閣
不道重閣
尚有門玉皇
西拱蓬萊殿
一水盈盈碧海尊

觀選淑
又

長安女兒巧，伺人手持紈。扇窺芳塵姊，妹相私擇。
佳儷無過顙，得金吾婿如何天。闈覓好速翻，成凌
亂奔榛。丘吏符登門，如索仇斧柱破壁。怒不休，父
母長跪兄嫂哭。顙奉千金從吏贖，紛紛寶馬與香
車道旁灑淚成長渠。不念他時共篋席，但傷此日
離襟裾。人間天上隔星漢，天上豈是神仙居。吁嗟
天上豈是神仙居。

聞簫

上林明月

海簫中五鳳，流光彩逗將燕子出。

牆西有人恰向春風啼危欄倚遍單緇冷一夜相思月中影舉頭望見賓鴻歸問爾何年碧海飛紫閣蘭生夜方午閑凭雕闌弄鸚鵡雙鳩何來太姒人聲聲叫道姑姑苦

寶刀行

我有寶刀名陸離鴻毛不敢迎風吹寶刀烈士纔相宜贈君佩取誅伊祈西月流光掩大旗當空亂攪蘆花枝天子只今家四海功成休遣麟臺知

城南行

城南去天不盈尺虎豹嚴關穿不得
眼盼書來馬角生心傷人去烏頭白
蘆管動時楓葉迎故關開處
梅花生悠悠此恨何時歇為君一賦城南行

怨歌行

妾心如秋月皎如出機練君心似春雲斷續斯須
變望夫石上天欲陰妬女津前波浪深空雕碧玉
為如意浪結文綃作繫心當時陽臺雲復雨化作
秋風淚和土迎來乍欣白日低背去安知玉筯啼

採蓮詠

鏡中美人明月光瓊肌玉腕相芬芳凌波而往蹇
素裳桃李不敢誇朝陽採蓮歸來還採菱櫂短潮
逆嬌不勝牽浮攬沉亦自矜搓牙四角生寒冰南
山桂花飛上層

清明憶隴上

誰家麥飯能春寒聖時猶帶神武冠遙知上冢家
兄弟應憶長安行路難長安大道車馬輕捷門自
謝諸生平介推無心上天去張翰自顧雲間行吳
歌越謳不忍聞射豹花開江雨紛前村後村杏花

發待到人歸飛暮雲

寄明成二首

山中人真仙游早眠晏起百事休羽毛養就欲飛
去滿前燕雀爭林丘百事無一藥爐紫霓生光浮
碧虛陰陽為官各有司何必手劍行除驅君不見
目開闢到于今乾坤不毀萬物成林洪厓縱游八
極遠俛佮韓衆遙相尋

閒雲館中白晝眠西山過雨踈青烟江心帆檣自
來往黃鵠決起摩蒼天藥爐微紅舊年火白鴉翩

秀雲朶馬
史階前汲井花
徵君臺畔開茶裹
紫芝消息今如何
寶劍呈光七點多
妖雲怪雨都飛盡
科頭獨向青天歌

邯鄲詞

妾家在趙十
送夫婿游燕
忽若遺狂如楊柳飛
春絮拙比
守故枝
兒時只念嫁人好
嫁得春風還自老
春風飛揚大道旁
不惜高樓繡紋巧
絳脂無力淚長流
白蠟能乾香暗收
鳴鳩殷勤相對語
知誰喚晴誰喚雨

楚宮詞

可憐楚宮人
立抱長饑老
楊妃齒齟玉魚鮮
衛娘鬢薄金鸞小
不道一日春風吹
何似村中薺花好
鴝鵒難為鳳
玉舞夜深空灑霓裳雨
悔不早嫁前
村兒綵索牽
打村鼓

金陵法

不寺白蓮閣池是陳後主張麗華孔

貴嬪墮處

花下相携一
行人扶起何知此
日楚王家合殿高

懸琪樹花吳公臺下蒙籠語猶記青溪日影斜

過故相長沙李公門

長安城中多息壤九衢歲月紛來往當年高門今
矮屋石剌狻猊坐深谷翁廼偃僂始到門幾樹公
槐尚垂綠長公今安在海有滄田陸有海是時

白龍嘗過四海晏然朝委裘群公方睦足嘯傲

懷麓堂前掃大浮我來寒色照晴光九衢積雪如
群羊盤旋路遠千迴腸乃知太行之險不在遠如
弦之直死道旁古來三讓原不易我今難于一辭

去安得中山黃鳥舉續翻下作空中絮採芝採苓
須黑頭課耕課織足自謀如何靡費不貲粟未解
蒼生一日憂

秋風贈所知

秋風橫空樹葉鳴明月半落客夢驚蠨蛸挂壁圍
愁城幸遭明聖功未成能熱能涼有孔方無是無
非惟杜康乍賢乍佞只毛穎不死不生堪法王長
歌有所思思雲外高咏遠如期期君青山內
勸君莫嫁窮身輕得顏開勸君莫乞巧還須買癡

獸荆卿西去何時返
易水東流也不迴
白綸巾上
千年月歲歲浮江將爾來

十月一日

十月一日天未寒
夜半理髮纓朝冠
天家頒朔開
金鑿春風條已披
長安哀鴻且輟澤
中響斗柄欲
轉青琅玕

送金伯康還山

槭槭西風生柳條
送君入山尋藥苗
藥苗已枯實
正飽長鏡短鑷
憑君操山中
人流光無情
白日新

白日不照臣心絕高山巖巖石
礧裂黃鳥高舉玄猿呼搔頭
負痛看茱萸短歌行夜半歌
枕夢不成寶劍半蝕無號聲
斗牛之間藏至精斗酒送君君
便行

釣竿

松梢片月流光彩照見青鸞來
碧海寄將丹篆不可詳任家
公子遙相待山中未終一局
棋扶桑日出紅滿枝逝當鼓
手乘桴去閒理風前如玉絲
拾將明月作釣釣攬取峰霞
作釣舟一牽六鰲終

手陵亂妖星東北流只恐群仙上訴天宰泣三歎
投竿歸海頭

喙鳴詩集卷七終

喙鳴詩集卷七